

## LOU JARDIN DE MOUN GRAND

Lou jardin de moun grand se nisavo dins qu'un recantoun ounte i'avié proun de bono terro pèr faire veni li liéume. Es verai qu'uno font d'aigo fresquo rajavo à coustat. Acò es coume acò.

A l'intrado uno poulido rego de bouscas menavo au mazet ounte recatavo sis óutis.

Falié vèire acò à la primo ounte li rego de pichot pèse e de favo s'alignavon.

Proche i'avié de faiòu verd. Lou carat d'ensalado ero un de mai garni.

Lèu plantarié de rego de poumo d'amour que faudrié embusca.

A la prima, tamben, cavavo un valadet large et gaire founs. Ié 'spandissié forço migou de sa cabra. Aqui metié li grano de cougourdeto que ié disien "virginie" e li grano de cougourloque li franchimand dison "potiron".

Plantavo mai de tufero que ramassavo au mes de jun. Eron de tufero jouino. Amave ana en del en d'aquéu jardin qu'ouro enragavo si liéume. Avié tira de canaletto ben drecho entre li liéume. Pèr desvira l'aigo de la font quand la rego èro coumoulo, avié un cop de liche presto pèr vira l'aigo dins qu'uno outro rego.

Pamens, mon grand fasié de liéume soulamen à la primo, perqué tras lou mes de jun, la font s'agoutavo. Alor falié s'ajuda d'uno bouto d'aigo sus un carretoun pèr douna justo un pau d'aigo à si lièume.

Pièi èro la secaresso de l'estiéu.

Pierre FANGUIN

Abriéu 2010